

Bildu Hernani EA eta EAJko Udal ordezkariekin bildu da eta "borondate politiko haundiagoa" eskatu du

■ "Hauteskundeetako emaitzak errespetatzea" eskatu du Bildu Hernanik ■ EA eta EAJko Udal ordezkarien lehen erantzunak ez diela balio esan dute, baina, aukera bat eman nahi diote saiakera honi.

BILDU Hernani plataformak Joxan Rekondo Alkatearekin bilera izatea eskatu zuen eta azaroaren 10ean bildu ziren Alkatea bera eta EAko eta EAJko 3 zinegotziak, plataformak prentsaurrean azaldu duenez. Udal ordezkariari emandako eskakizun orria erregistrotik ere pasa du plataformak eta maiatzaren 25eko hauteskundeetan botoz legoziokoen zazpi zinegotzien "eskubide guztiak" eskatu dituzte.

Parte hartze zuzena

Zinegotzi moduan aritzeko eskubide politikoa eskatu du Bildu Hernanik, Udal organoetan eta erabakietan parte hartzeko eskubidea eta horretarako beharrezko den informazioa jasotzeko eskubidea: "bilera guztien deialdiak jasotzea, akten kopia jasotzea, espedienteetara jotzeko eskubidea, udal teknikariari aholkua eskatzeko eskubidea eta erregistrotik pasatzen diren agirien kopia izateko eskubidea". Udaletxez gaineko organoetan erabakiz parte hartzeko eskubidea ere eskatu du



Bildu Hernaniko ordezkariak Udaletxe aurrean, joan den asteazkeneko prentsaurrekoan.

plataformak eta "Udal azpiegiturak erabiltzeko eskubidea, hautetsiei dagozkien erretribuzio ekonomikoak jasotzeko eskubidea eta proposamenak egiteko eskubidea".

"Erantzunak ez digu balio"
Bildu Hernanik asteazkenean prentsaurrean azaldu zuenez Udal ordezkariengandik jasotako erantzunak ez die

balio "edozein herritarren eskubideak izango ditugula esan baitute eta ez herriak aukeratutako zinegotzietara dagozkigun eskubideak". Bildu Hernanik esan du EA eta EAJk diotela legez kanpo dagoena ezin dela eskatu eta borondate politiko gutxi ikusten du plataformak gaur egungo egoerari irtenbidea bilatzeko. Hala ere, saiakera

honi aukera bat eman nahi diola esan du Bildu Hernanik eta erantzunaren zai geldituko direla "behingoz, legearen ondorioz lortutako errentabilitate politikoak alde batera utzi eta injustiziaren aurrean borondate politiko eta ekintza politikoak nagusitzea ea posible egiten duten Hernaniko EA eta EAJkoek". □

'Inaxitoren ametsak' antzerkia bihar

Nafarroa Oinezan alde

DOBERA Euskara Elkarteak antolatuta, Inaxitoren ametsak antzerkia izango da datorren larunbatean, Sandiusterriko aretoan. Antzerkia 6-12 urte bitarteko umeentzako dago egina, eta Inaxitok munduan barrena izandako (ametsetan egindako) ibilerak kontatzen ditu. Antzerkia, bihar 18:00etan da Sandiusterrin eta sarrerak salgai daude Lete liburu dendan eta Doberan, 5 eurotan. Ateratzen den dirua Irunberriko Arangoiti ikastolarentzako izango da. □

Juan Mari Olano

estraditatu egin dute

JUAN Mari Olano, Amnistiaren aldeko Mugimenduko bozeramaile zena, atzo estraditatu zuen Frantziako gobernuak Madrilera. Askatasuna erakundeak jakitera eman duenez Soto del Real espetxean sartuko dute eta astelehenean pasako da epailearen aurretik seguruenera. □

Etxerategen enkartelada

ETXERAT elkarteak enkartelada deitu du gaurko errepresaliatuak Euskadin bizitzeko duten eskubidea aldarrikatzeko. Enkartelada, Gudarien plazatik aterako da 20:00etan. Etxerategen herritar guztiak eskatu die aldarrikapen horri bat egiteko.

Bestalde, Etxerategen adierazi du Kuotakide kanpaina aurrera dijoala eta gaur ere mahaia jarrita egongo dela plazan. □

BITERIKO ZINEA

Bi pelikula asteburuan

BI pelikulak botako dituzte asteburuan Biterin. Helduentzat *Underworld* pelikula, gaur 22:30etan; bihar, 19:30 eta 22:30etan; eta igandean 19:30etan. Umeentzat *Super agente Cody Banks*, bihar eta etzi arratsaldeko 17:00etan. □

Skate pista bat egitea eskatzeko firma biltzen

HERNANIN bada skate edo patinetean ibiltzen den koadrila dezentea. Beren hitzetan 30 bat badira ibiltzen direnak eta umetan ere asko dira ikasten ari direnak. Lehengo urtea ezker, Hernanin skateko pista egitea eskatzen ari dira, Donostian Amaran dagoenaren antzekoa. Dagoeneko Udal ordezkariekin hitz egin du gazte koadrila honek eta beren hitzetan 1.300 firma biltzeko eskatu diete eta aurrerago hitz egitekotan gelditu dira berriz ere. Patinete zaleak ikastetxeetara, kiroldegira, dendetara, Udaletxera, feriara, Biterira eta ahalik eta leku gehienetara joateko asmoa dute eta martxora arte exhibizioak egiteko asmoa ere badutela esan diote Kronikari. □



Skatean ibiltzen den koadrilako zenbait, beren patinetearekin.

Iñigo Royo Manterola
Kiromasaia Naturopatia
Reflexologia Homeopatia
Auriculoterapia Iridiologia
Arazo neurologiko eta
bizkar hezurrekoen konpontzea
Sta. Barbara 42 - 2. esk. - 626 807 633

AMAIA
ARRAINAK
ITSASBIAK
FRESKO ETA
IZOZTUAK
Kardaberaz 34
Tel.: 943 55 07 52
943 55 22 11
20120 Hernani

ADARRA
ETXE TRESNAK S.A.
Txirrita kalea 11
Tel. 943 55 04 27
20120 HERNANI (Gipuzkoa)

PROKOLOR ZENTRUA
PL
Landaribar, s.l.
Pintatzeko ekipoak
Industri eta dekoraziorako pinturak
Pintatutako paperak
Kardaberaz 45 - Telf.: 943 55 21 31 - Hernani

Ibai-mendi
Marka onenak dauzkagu:
TRANGO
TERNUA
COLUMBIA
THE NORTH FACE
SALOMON
BOREAL
TUCKLAND
KAMET
CHIRUCA
Nafar kalea 24 - 943 333724 - Hernani | Nagusia 18 - 943 590372 - Andoain

Udaletxeko langileek bajak jornada erdika hartzeko aukera izango dute, familiakoen gaixotasun larriengatik

■ laz onartutako akordioa osatu du Udalak ■ Erabakia atzoko Plenoan onartu zen ■ Mari Jose Sanchezek (EB-IU) utzi egin du zinegotzi kargua.

ATZOKO Plenoak Udaletxeko lan konbenioa hobetzeko proposamena onartu zuen. Antton Costak zuzentzen duen sailak egindako proposamenaren arabera, etxeko gaixotasun larriengatik langile

leari dagozkion baja-egunak, jornada erdika hartzeko aukera dute orain Udaletxeko langileek. Proposamena aho batez onartu zen osteguneko Plenoan gainerako puntu guztiak bezalaxe.

Plenoan beste puntuetako bat Mari Jose Sanchez zinegotziaren (EB-IU) dimisio eskera izan da. Plenoak onartu du dimisioa eta orain eskaria egin behar da Beatriz Fernandinok kargua hartu dezan. □



Fagollagako presan egingo dituzte konponketak eta erria ertzeko konpuertatik bideratuko da.

Fagollagako presa konpontzeko baimena eskatu du Fagollaga SA enpresak

■ Pitzatuak itxi eta gainezka egin ez dezan dagoen zuloa itxiko dituzte.

FAGOLLAGAKO presan konponketa lanak egiteko baimena eskatu du Fagollaga SA enpresak. Obra izango litzateke harritzko paretako ertzetan dauden pitzatuak ixtea eta presak gainezka egin ez dezan dagoen barruko zuloa seilatzea. Lanak

egiteko erria bideratuko da ertzeko konpuerta batean berrera eta modua jarriko da lehorrean lan egin ahal izateko. Kaltetuak izan litezkeen beren erreklamazioak aurkezteko aukera dute Hernaniko Udaletxean edo Iparraldeko

Konfederazio Hidrografikoan (Uren komisaria, Errotaburu pasealekua 1-8. 20071 Donostia). Erreklamazioak aurkezteko behar dira oharra Gipuzkoako Boletin ofizialean agertu eta hurrengo egunetik (azaroaren 13an) 20 egun baino lehen. □

MENDIZALE ASTEA



Juanito Oiarzabal asteazkeneko proiektzioa hasi aurrean.

Argazki lehiaketako sari banaketa egingo da gaur

MENDIZALE Astea aurrera dijoa eta gaur diapositiba lehiaketa izango da. Diapositibak Hernaniko jendeak aurkeztu ditu eta sarituak nortzuk diren gaur esango dute, 19:30etatik aurrera, Biteri kultur etxean.

Hamalau zortzimilakoak
Asteazkenean Joanito Oiarzabal mendizale gasteiztarraren diapositiba emanaldia izan zen eta Biteri areto nagusia

bete egin zen. Oiarzabalek 8.000 metrotik gorako mendi guztiak igo ditu eta banan-banan mendi guztietako espedizioetako diapositibak bota zituen eta mendi bakoitzaren inguruko xehetasunak agertu. Galderen txandan, datorren urterako proiektuen berri eman zuen eta Ama Dablan, K₂ eta Cho Oyu mendiak igotzeko asmoa du, besteak beste. □

■ HITZ BITAN

✓ GALDUTAKOAK

Erlojua galdu. Emakume batek Seiko markako erlojua galdu du Renfeko apeaderotik Iparragirre sagardotegirako bidean. Zilar kolorekoa da. Ezeren berririk duenak: 943 330200. □

IRAGARKI MERKEAK

Inigo Royo Masajista. Ajuste neurologiko eta berbebrala, naturoterapia, masajea, reflexologia, auriculoterapia,.... 943 33 28 94 - 626 80 76 33

Pertsona bat behar dugu haurra zaindu eta etxeko lanak egiteko. 2 egunetan bertan egin beharko luke lo: 943 55 64 39 (20:00etatik 22:00etara deitu).

Pisua salgai zentroan: 3 habitazio, kalefazioa eta balkoi handia. 943 21 99 27

ZERBITZUAK

☎ TELEFONOAK

- ▶ Taxiak: 943 550093
- ▶ Udaltzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

☎ FARMAZIAK

- ▶ Egunez: Chucla Kardaberaz 48 ☎ 943 551793
- ▶ Gaez: Zatarain Andoain. Arteta z/g ☎ 943 290802

ESKOLA KIROLA				ASTEBURUKO PARTIDUAK			
Errugbia	Taldeak	Non	Noiz	Saskibaloia			
Benjam inak	Langile B - Elizab A	Kio Hegia	B har 09:45	A lehin m utilak	Langile-Umm ea B	Kio Hegia	B har 12:00
Benjam inak	Langile B - Umm ea B	Kio Hegia	B har 09:45	A lehin neskak	Deutsche S-Langile	Donostian	
Benjam inak	Umm ea D - Umm ea A	Kio Hegia	B har 09:45	Boleibola			
Benjam inak	Umm ea B - Elizab B	Kio Hegia	B har 10:00	Infantil neskak	Elizab DBH - Lizeo tanak	Kio Hegia	B har 11:45
Benjam inak	Langile A - Langile C	Kio Hegia	B har 10:45	Infantil neskak	Langile-Zukatz Fortuna	Kio Hegia	B har 11:45
Benjam inak	Elizab B - Langile C	Elizabon	B har 11:45	A lehin neskak	Elizab - Santo Tomas	Donostian	
Benjam inak	Langile A - Elizab A	Elizabon	B har 12:00	A lehin m utilak	Langile-Im acubada	Donostian	
Futbola				Pelota			
Infantil neskak	Langile-Langatz	Zubipe	B har 09:00	A lehin m utilak	Umm ea D - Langile E	Kio Hegia	B har 15:00
Saskibaloia				A lehin m utilak	Langile B - Elizab A	Kio Hegia	B har 15:30
A lehin neskak	Bein A - Umm ea	Donostia		A lehin m utilak	Langile A - Umm ea A	Kio Hegia	B har 15:20
A lehin m utilak	Umm ea A - Elizab B	Kio Hegia	B har 11:00	A lehin m utilak	Elizab B - Txinta	Kio Hegia	B har 15:30
A lehin m utilak	Im acubada - Elizab A	Kio Hegia	B har 11:00	Benjam inak	Langile D - Umm ea B	Kio Hegia	B har 15:40



Sandiusterri aretoan
Azaroak 15, larunbata
Ordua: 18:00etan

6-12 urte bitarteko
haurrentzat egokia.

NAFARROA
OINEZ-en alde

PREZIOA: 5 euro

Sarrerak salgai:
Leten eta Doberan

Antolatzailea:
Dobera Euskara Elkartea

Hernaniko Kronikako laguntzaile izan nahi?

Urtean 30 eurogatik egunero kronika dohainik

Telefonoz hartuko dizkizugu datu guztiak:

☎ 943 330899 - 656 703814

Bonoa zeuk bete nahi baduzu, jaso leku hauetan: Conde (Urbietan), Zinkoenea, Iruretagoiena (Kale Nagusia), Kronika (Larramendi 11) eta Dobera (Larramendi 11)